



## L'associaziun Quarta Lingua lantscha ina concorrenza

**10'000 francs**

per in project rumantsch attractiv che surpassa ils cunfins linguistics

A curta vista mida la Quarta Lingua la moda da conceder contribuziuns da promoziun. Fin ussa ha la QL sustegnì mintg'onn var 10 projects da lavur culturala rumantscha cun imports tranter 500 e 4'000 francs. En il decurs da l'onn 2019 e 2020 na vegn quai betg ad esser il cas. L'associaziun, fundada dal 1972, che promova la lingua e cultura rumantscha vul percenter surdar l'onn 2020 ina contribuziun d'emprima prioritad da 10'000 francs.

Cun quest import vul la QL sustegnair la realisaziun d'in project innovativ. A moda creativa e persistenta duai il project promover

*l'intermediaziun da la lavur culturala rumantscha en las ulteriuras regiuns linguistics*

*e/u*

*la preschientscha en il spazi public da las persunas rumantschas che vivan en la diaspora.*

Per la contribuziun d'emprima qualidad da 10'000 francs as pon annunziar:

- persunas singulas (creaculturas, intermediaturAs da cultura, persunas d'instrucziun, studentAs, etc.)
- organisaziuns culturalas
- interpresas da medias
- citads & vischnancas

Ils dossiers/concepts pon vegnir inoltrads electronicamain **da nov** fin il pli tard **ils 30 da zercladur 2020** sur la pagina <https://quartalingua.ch> (sut «Dumonda da sustegn»).

A tgi che la contribuziun vegn concedida, decida la suprastanza da la QL fin l'entschatta d'atun.